

Resolución reitoral pola que se convocan os premios "SANTANDER X SPAIN AWARD 2025 - PROXECTOS EMPRENDEDORES"

Nun entorno en constante evolución, onde a innovación e o emprendemento son claves para o desenvolvemento económico e social, a Universidade de Vigo, a través da Vicerreitoría de Estudantado e Empregabilidade, impulsa esta convocatoria de premios a proxectos emprendedores co obxectivo de recoñecer e apoiar o talento da súa comunidade universitaria.

Grazas ao apoio do Banco Santander, a través do convenio de colaboración subscrito coa UVigo, esta convocatoria permite dotar de recursos a proxectos con alto potencial, promovendo a cultura emprendedora dentro da universidade, co que se busca fortalecer o ecosistema de innovación, incentivar a aplicación do coñecemento á resolución de problemas reais e potenciar a empregabilidade e o desenvolvemento profesional dos participantes, consolidando a UVigo como un referente en emprendemento e transferencia de coñecemento.

Unha vez vista a *Lei 9/2007 de subvencións de Galicia*, as disposicións aplicables da *Lei 38/2003, do 17 de novembro, xeral de subvencións* e as súas normativas de desenvolvemento.

En virtude das facultades que lle outorgan a *Lei orgánica 6/2001, do 21 de decembro, modificada pola Lei 4/2007, do 12 de abril, de universidades* e o artigo 72 do *Decreto 13/2019, do 24 de xaneiro*, polo que se aprobaron os estatutos desta universidade,

ESTA REITORÍA RESOLVE:

1. Convocar en réxime de concorrencia competitiva os premios SANTANDER X SPAIN AWARD 2025 – Proxectos emprendedores, que serán xestionadas de acordo coas bases reguladoras que figuran no anexo I.
2. Publicar esta convocatoria e as bases que a regulan no taboleiro da sede electrónica <https://sede.uvigo.gal/> e no [Portal de bolsas](#) da web da Universidade de Vigo.

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados a partir do día seguinte á súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia resolución expresa ou presunta do recurso de reposición, de acordo co disposto na *Lei 39/2015, de 1 de outubro, do procedemento administrativo común das administracións públicas*.

Vigo, na data de sinatura electrónica
O reitor
Por delegación RR 30/05/2024 (DOG 10/06/2024)
A vicerreitora de Estudantado e Empregabilidade
Natalia Caparrini Marín

CSV : GEN-574e-2d13-2a9f-2582-8240-d826-1e61-d2beDIRECCIÓN DE VALIDACIÓN : <https://portafirmas.redsara.es/pt/valida>**FIRMANTE(1) : NATALIA CAPARRINI MARIN | FECHA : 27/03/2025 11:14 | NOTAS : F**

ANEXO I**BASES QUE REGULAN A CONVOCATORIA DOS
PREMIOS SANTANDER X SPAIN AWARD 2025 – PROXECTOS EMPRENDEDORES****1. OBXECTO**

O obxectivo do Programa é recoñecer e potenciar a nivel nacional iniciativas emprendedoras xurdidas na Universidade de Vigo.

2. REQUISITOS DAS PERSOAS SOLICITANTES

Para solicitar o premio é preciso cumprir os seguintes requisitos:

- Un membro do equipo debe estar matriculado ou recién titulado (cunha antigüidade máxima de cinco anos desde o momento da súa graduación) de grao, máster universitario ou doutoramento na Universidade de Vigo.
- O/a estudante ou recién titulado/a debe ter residencia legal en España.
- Tamén poderán formar parte do equipo persoas que teñan a condición de profesorado universitario, persoal investigador predoctoral ou posdoutoral, empregado/a ou persoal funcionario da Universidade de Vigo ou que teñan participado nalgún programa de emprendemento promovido pola Universidade de Vigo.

3. REQUISITOS DOS PROXECTOS SOLICITANTES

Os proxectos emprendedores deberán cumprir polo menos un dos seguintes requisitos:

- Proxectos emprendedores en fase de validación para o seu lanzamento no mercado con potencial de disrupción e altamente escalables que dispoñan dun MVP (Produto Mínimo Viable) ou estar constituídos legalmente como empresa que non tiveran facturación nin fixeran un levantamento de capital.
- Proxectos emprendedores que teñan un prototipo conceptual que permita a validación da solución con potenciais clientes
- Proxectos emprendedores enfocados no desenvolvemento e/ou fabricación de novos bens ou servizos para o mercado, utilizando coñecementos científicos ou tecnolóxicos de vangarda.
- Proxectos emprendedores innovadores baseados en nova tecnoloxía factible e crible, nova aplicación tecnolóxica, novo modelo de negocio ou un novo proceso. A madurez da tecnoloxía será referenciada xunto con calquera patente ou estratexia de IP asociada á solución.

4. COMPATIBILIDADE

A percepción do premio obxecto do Programa será compatible con outro tipo de axudas de natureza igual ou distinta aos premios que son obxecto deste Programa, calquera que sexa a súa orixe, pública ou privada.

5. DOTACIÓN, CONTÍA E PAGAMENTO

- Os fondos destinados a estos premios irán con cargo á aplicación orzamentaria 2025 0000 121D 482.99 e o importe máximo do crédito orzamentario retido ascende a 6.000 € para o que se achega o correspondente certificado de existencia de crédito.
- A Universidade de Vigo concederá tres premios que consistirán

CSV : GEN-574e-2d13-2a9f-2582-8240-d826-1e61-d2beDIRECCIÓN DE VALIDACIÓN : <https://portafirmas.redsara.es/pt/valida>**FIRMANTE(1) : NATALIA CAPARRINI MARIN | FECHA : 27/03/2025 11:14 | NOTAS : F**

- Nunha achega económica para o desenvolvemento da solución emprendedora de 2.000 € que será aboada á persoa solicitante. O importe está suxeito á retención do IRPF establecida na lexislación tributaria.
- Acceso directo ao premio nacional "Santander X Spain Award | University 2025", previa inscrición no mesmo, onde as persoas gañadoras de todas as universidades poderán competir entre elas e obter exposición a nivel nacional, así como a oportunidade de conseguir unha serie de beneficios adicionais, tanto económicos como en especie, segundo a convocatoria específica do premio.
- Difusión dos proxectos gañadores nas redes sociais e webs do Grupo Santander, onde se incluírá unha mención co nome dos membros do equipo, a descrición do proxecto, así como os seus logotipos e accesos á súa páxina web e redes sociais.

3. O pagamento da achega económica efectuarase mediante transferencia á conta bancaria indicada pola persoa solicitante e da que deberá ser titular.

6. PRESENTACIÓN DE SOLICITUDES E DOCUMENTACIÓN

1. O estudante ou recen titulado deberá :

- 1) Inscribirse na plataforma Santander X na convocatoria [Modalidad A: Proyectos de Emprendimiento](#)
- 2) Presentar na sede electrónica da Universidade de Vigo (<https://sede.uvigo.gal>), a través da instancia xenérica (SXER), unha solicitude, poñendo no asunto "Premios SANTANDER X SPAIN AWARD 2025 – Proxecto emprendedor".

2. O prazo de presentación das solicitudes comeza o día seguinte a publicarse esta convocatoria e finaliza o **22 de abril de 2025** ás 23:59 horas (hora peninsular española). A presentación fóra de prazo supoñerá a non admisión a trámite da solicitude.

3. Xunto coa solicitude deberá presentar

- a. a declaración responsable de cumprimento de requisitos do proxecto (Anexo II).
- b. datos da conta bancaria da persoa solicitante da que debe ser titular na que se ingresará a achega económica.

Tamén se lles poderá requirir que acheguen outra documentación necesaria para avaliar correctamente os requisitos e méritos alegados. O feito de non achegar a documentación requirida será causa de exclusión.

7. SELECCIÓN E RESOLUCIÓN

Fase 1: Admisión dos proxectos

1. A Sección de Axudas e Bolsas logo de rematar o prazo de presentación de solicitudes, revisará que as persoas solicitantes compren os requisitos da convocatoria e publicará a **listaxe provisoria de solicitudes admitidas e excluídas**, coa mención da causa de exclusión.

2. As persoas interesadas disporán de **cinco** días hábiles contados desde o día seguinte á publicación para emendar os erros, as causas de exclusión e a falta de documentación. Para tal fin presentarán o formulario de alegacións na Secretaría Virtual. De non presentar emenda entenderase que desiste da súa solicitude previa resolución ditada conforme á Lei 39/2015 de 1 de outubro, do procedemento administrativo común das administracións públicas.

Fase 2: Avaliación dos proxectos (preselección)

1. A Área de Emprego e Emprendemento da Universidade de Vigo avaliará os proxectos e seleccionará un máximo de 10 proxectos en base aos seguintes criterios:

CSV : GEN-574e-2d13-2a9f-2582-8240-d826-1e61-d2be

DIRECCIÓN DE VALIDACIÓN : <https://portafirmas.redsara.es/pt/valida>

FIRMANTE(1) : NATALIA CAPARRINI MARIN | FECHA : 27/03/2025 11:14 | NOTAS : F



- Potencial de impacto: 25%
- Calidade na innovación: 15%
- Viabilidade: 15%
- Escalabilidade: 15%
- Vantaxe competitiva: 15%
- Estrutura do equipo: 15%

Poderase solicitar aclaracións sobre o proxecto presentado e requirir que acheguen outra documentación necesaria para avaliar correctamente os requisitos e méritos alegados, co fin de contrastar a información facilitada e garantir a homoxeneidade na calidade dos candidatos preseleccionados, para seleccionar as mellores solucións.

2. Á vista da proposta da Área de Emprego e Emprendemento, a Sección de Axudas e Bolsas publicará a **listaxe provisoria de proxectos preseleccionados** e a **listaxe de agarda** para o caso de existiren renuncias.

3. As persoas interesadas poderán presentar alegacións no prazo de **cinco** días hábiles contados desde o día seguinte á publicación, presentando o formulario de alegacións na secretaría virtual da universidade dirixido á Sección de Axudas e Bolsas.

4. Concluído este prazo, publicarase a **lista definitiva de finalistas** que pasan á fase 3 e a **listaxe de agarda** para o caso de existiren renuncias.

Fase 3: Concesión de premios

1. Os proxectos emprendedores finalistas deberán participar na fase final de selección, a cal consistirá na presentación do seu proxecto mediante un vídeo autoeditado de máximo 3 minutos, seguido de 5 minutos para responder ás preguntas da comisión de selección.

Para a avaliación dos proxectos, a comisión atenderá aos seguintes criterios:

- Potencial de impacto: 20%
- Escalabilidade: 20%
- Vantaxe competitiva: 20%
- Estrutura do equipo: 20%
- Valoración do Pitch: 20%

A Comisión de Avaliación poderá declarar desertos os premios se a calidade dos proxectos presentados non cumpre os mínimos esixibles para acadar os seus obxectivos.

A Comisión de avaliación está composta por:

Presidenta: Natalia Caparrini Marín, Vicerreitora de Estudantado e Empregabilidade ou persoa en quen delegue

Vogais: Belén Rubio Armesto, Vicerreitora de Investigación e Transferencia ou persoa en quen delegue

Maruxa Alvarez Jimenez, Directora da Área de Emprego e Emprendemento ou persoa en quen delegue

Ángeles López Lozano, Directora técnica da Oficina de I+D ou persoa en quen delegue

Marta Mariño Regueiro, Directora xeral de Traballo Autónomo e Economía Social da Xunta de Galicia ou persoa en quen delegue

Luisa Sánchez Mendez, Vicepresidenta Deputación Pontevedra ou persoa en quen delegue

M^a Eugenia Fandiño Pita, representante del Banco Santander ou persoa en quen delegue



CSV : GEN-574e-2d13-2a9f-2582-8240-d826-1e61-d2be

DIRECCIÓN DE VALIDACIÓN : <https://portafirmas.redsara.es/pt/valida>

FIRMANTE(1) : NATALIA CAPARRINI MARIN | FECHA : 27/03/2025 11:14 | NOTAS : F

Se, por calquera causa, no momento en que a comisión teña que examinar as solicitudes, algún dos membros non pode asistir, esta substituirase pola persoa que para o efecto se nomee. Este nomeamento deberá recaer noutra persoa da mesma unidade, órgano, entidade ou colectivo.

2. Unha vez efectuada a selección pola Comisión, a Sección de Axudas e Bolsas publicará a **listaxe provisoria de premios concedidos** e a **listaxe de agarda** para o caso de existir renuncias.

3. As persoas interesadas poderán presentar alegacións no prazo de **cinco días hábiles** contados desde o día seguinte á publicación, presentando o **formulario de alegacións** na secretaría virtual da Universidade dirixido á Sección de Axudas e Bolsas.

4. Unha vez revisadas as alegacións pola comisión, a Sección de Axudas e Bolsas enviará á vicerreitora de Estudantado e Empregabilidade a proposta, quen adxudicará os premios mediante a correspondente resolución.

A resolución conterá a **listaxe definitiva de premios concedidos** e a **listaxe de agarda** para o caso de existiren renuncias.

As persoas interesadas poderán entender desestimadas as solicitudes de non se ditar resolución expresa no prazo de 6 meses contados desde o día seguinte ao do remate do prazo de presentación de solicitudes.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados a partir do día seguinte á súa publicación, de conformidade co disposto na *Lei 29/1998, do 13 de xullo, reguladora da xurisdición contencioso-administrativa*.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte á súa publicación, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da *Lei 39/2015, do 1 de outubro, do procedemento administrativo común das administracións públicas*.

As listaxes ás que se refire este punto así como a resolución de adxudicación publicaranse no taboleiro da sede electrónica <https://sede.uvigo.gal/> e no [portal de bolsas](#) da web da universidade, cos efectos de notificación previstos no artigo 45 da *Lei 39/2015, do 1 de outubro, do procedemento administrativo común das administracións públicas*.

As comunicacións individuais que resulten necesarias serán realizadas ao correo electrónico sinalado na solicitude, sen que estas teñan a consideración de notificación.

8. ACEPTACIÓN E RENUNCIA

As persoas beneficiarias deberán aceptar a concesión do premio mediante escrito presentado na sede electrónica da Universidade de Vigo (<https://sede.uvigo.gal/>) dirixido á Sección de Axudas e Bolsas, no prazo de tres días desde a publicación da resolución definitiva. De non facelo entenderase que renuncia e se lle concederá a bolsa a seguinte persoa da lista de agarda.

A renuncia voluntaria deberá realizarse mediante escrito presentado na sede electrónica da Universidade de Vigo (<https://sede.uvigo.gal/>) dirixido á Sección de Axudas e Bolsas antes de que se inicie a mentorización a través de instancia xenérica (SXER). As renuncias aceptadas darán lugar á concesión da axuda á seguinte persoa da lista de agarda.

9. OBRIGAS

As persoas beneficiarias dos premios deberán:

CSV : GEN-574e-2d13-2a9f-2582-8240-d826-1e61-d2be

DIRECCIÓN DE VALIDACIÓN : <https://portafirmas.redsara.es/pt/valida>

FIRMANTE(1) : NATALIA CAPARRINI MARIN | FECHA : 27/03/2025 11:14 | NOTAS : F



- a) Aceptar as bases da presente convocatoria e do documento de “Términos y Condiciones” que se publica xunto coa mesma.
- b) Someterse ás actuacións de comprobación que poidan ser realizadas polos órganos competentes, quedando obrigados a facilitar toda a información e documentación que lles poida ser requirida para tal efecto.
- c) Destinar o premio ao obxecto da convocatoria
- d) Participar no premio nacional “Santander X Spain Award I University 2025.”

10. REINTEGRO DAS AXUDAS E PERDA DO DEREITO DE COBRO TOTAL OU PARCIAL

Son causas de reintegro e perda do dereito de cobro destas axudas:

- Non cumprir os requisitos e obrigas recollidas na convocatoria.
- Ocultar datos, alteralos ou manipular a información solicitada.
- Incorrer nalgunha das causas de incompatibilidade establecidas nesta convocatoria.

A persoa beneficiaria que incorra nalgunha destas causas, está obrigada a reintegrarlle á Universidade a cantidade indebidamente percibida. De existir incumprimento do desenvolvemento do obxecto propio da axuda, previo informe neste sentido polo/a director/a da Área de Emprego e Emprendemento, poderase interromper de xeito cautelar o abono da axuda económica unha vez iniciado o procedemento.

11. TRANSPARENCIA

De conformidade co artigo 17 da *Lei 1/2016, do 18 de xaneiro, de transparencia e bo goberno*, e co artigo 15 da *Lei 9/2007, do 13 de xuño, de subvencións de Galicia*, a Universidade de Vigo publicará na súa páxina web oficial a relación das persoas beneficiarias e o importe das axudas concedidas, así como as sancións que puideren impoñerse, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

En virtude do disposto no artigo 4 da *Lei 1/2016, do 18 de xaneiro, de transparencia e bo goberno*, as persoas físicas e xurídicas beneficiarias de subvencións están obrigadas a subministrar á Universidade de Vigo, logo de requirimento, toda a información necesaria para o cumprimento por aquela das obrigas previstas no título I da citada lei. Porén, non será necesaria a publicación cando o órgano concedente xulgue que se dan as previsións do artigo 15.2.d) da *Lei 9/2007, do 13 de xuño, de subvencións de Galicia*.

12. PROTECCIÓN DE DATOS

Información sobre a política de protección de datos en [https://www.uvigo.gal/sites/uvigo.gal/files/contents/paragraph-file/2019-11/Texto %20proteccion datos para CONVOCATORIAS bolsas.pdf](https://www.uvigo.gal/sites/uvigo.gal/files/contents/paragraph-file/2019-11/Texto_%20proteccion%20datos%20para%20CONVOCATORIAS%20bolsas.pdf)

13. NATUREZA DA RELACIÓN ENTRE OS PROXECTOS BENEFICIARIOS E A UNIVERSIDADE DE VIGO

As persoas físicas beneficiarias destas axudas, os membros dos proxectos, e o persoal das empresas non adquiren ningunha relación contractual, nin laboral, nin administrativa, nin estatutaria coa Universidade de Vigo nin coas entidades que colaboran nesta convocatoria.

14. COORDINACIÓN NO PROGRAMA

A Área de Emprego e Emprendemento é a responsable da coordinación e supervisión do programa. As persoas participantes poderán dirixir á emprego@uvigo.es as consultas e dúbidas que xurdan ao longo da vixencia do programa.



ANEXO II

DECLARACIÓN RESONSABLE

D/Dª , con DNI , e ao obxecto de participar na convocatoria dos premios “SANTANDER X SPAIN AWARD 2025 - PROXECTOS EMPREENDEDORES,

DECLARA BAIXO A SÚA RESPONSABILIDADE

Que cumpre os requisitos dos proxectos solicitantes establecidos na convocatoria.

En (localidade) , a (día) , (mes) de (ano)

Sinatura

Código seguro de Verificación : GEN-574e-2d13-2a9f-2582-8240-d826-1e61-d2be | Puede verificar la integridad de este documento en la siguiente dirección : <https://portafirmas.redsara.es/pf/valida>



CSV : GEN-574e-2d13-2a9f-2582-8240-d826-1e61-d2be
DIRECCIÓN DE VALIDACIÓN : <https://portafirmas.redsara.es/pf/valida>
FIRMANTE(1) : NATALIA CAPARRINI MARIN | FECHA : 27/03/2025 11:14 | NOTAS : F